

景德傳燈錄卷第五

五

第三十三祖慧能大師

第三十三祖慧能大師法嗣四十三人

一十九人旁出見錄

西印度堦多三藏

韶州法海禪師

匱嶺山曉了禪師

河北智隍禪師

洪州法達禪師

壽州智通禪師

江西志徹禪師

信州智常禪師

廣州志道禪師

廣州法性寺印宗和尚

吉州清原山行思禪師

南嶽懷讓禪師

溫州永嘉玄覺禪師

司空山本淨禪師

婺州玄策禪師

曹谿令昭禪師

西京光宅寺慧忠禪師

西京荷澤寺神會禪師

湖州淨安院陀禪師

西京崇福寺惠崇禪師

湖州善快院南嶽堅圓禪師

西京崇福寺惠崇禪師

湖州普濟院南嶽堅圓禪師

西京崇福寺惠崇禪師

湖州普濟院南嶽堅圓禪師

西京崇福寺惠崇禪師

湖州普濟院南嶽堅圓禪師

十四人無機緣語句不錄

第三十三祖慧能大師者俗姓盧氏其先范
陽人父行滔武德中左宦于南海之新州遂
占籍焉三歲喪父其母守志鞠養及長家尤
貧窶師樵采以給一日負薪至市中聞客讀
金剛經悚然問其客曰此何法也得於何人

客曰此名金剛經得於黃梅忍大師師遠告
其母以爲法尋師之意直抵韶州遇高行士
劉志略結爲交友尼無盡藏者即志略之姑
也常讀涅槃經師暫聽之即爲解說其義尼
遂執卷問字師曰字即不識義即請問尼曰
字尚不識曷能會義師曰諸佛妙理非關文
字尼驚異之告鄉里耆艾云能是有道之人
宜請供養於是居人競來瞻禮近有寶林古
寺舊地衆議營緝俾師居之四衆霧集俄成
寶坊師一日忽自念曰我求大法豈可中道
而止明日遂行至昌樂縣西山石室間遇智
遠禪師師遂請益遠曰觀子神姿奕拔殆非

常人吾聞西域菩提達磨傳心印于黃梅汝當往彼參決師辭去直造黃梅之東禪即唐咸亨二年也忍大師一見默而識之後傳衣法令隱于懷集四會之間至儀鳳元年丙子正月八日届南海遇印宗法師於法性寺講涅槃經師寓止廊廡間暮夜風颶刹幡聞二

振五

僧對論一云幡動一云風動往復譙荅未曾契理師曰可容俗流輒預高論否直以風幡非動動自心耳印宗竊聆此語竦然異之翊日邀師入室徵風幡之義師具以理告印宗不覺起立云行者定非常人師爲是誰師更無所隱直叙得法因由於是印宗執弟子之

史韋據請於大梵寺轉妙法輪并受無相心地戒門人紀錄目爲壇經盛行於世然返曹谿兩大法雨學者不下千數中宗神龍元年降詔云朕請安秀二師宮中供養萬機之暇每究一乘二師並推讓云南方有能禪師密受恩大師衣法可就彼問今遣內侍薛簡馳

振五

詔迎請願師慈念速赴上京師上表辭疾願遇肉身菩薩即指坐下盧居士云即此是也因請出所傳信衣悉令瞻禮至正月十五日會諸名德爲之剃髮二月八日就法性寺暫光律師受滿分戒其戒壇即宋朝求那跋陀三藏之所置也三藏記云後當有肉身菩薩

清淨禪諸法空寂是如來清淨坐究竟無證
宣況坐耶簡曰弟子之迴主上必問願和尚
慈悲指示心要師曰道無明暗明暗是代謝
之義明明無盡亦是有盡簡曰明喻智慧暗
況煩惱修道之人儻不以智慧照破煩惱無始
生死憑何出離師曰若以智慧照破煩惱者此

是二乘小兒羊鹿等機上智大根悉不如是
簡曰如何是大乘見解師曰明與無明其性
無二無二之性即是實性實性者處凡愚而
不減在賢聖而不增性煩惱而不亂居禪定
而不寂不斷不常不來不去不在中間及其
內外不生不滅性相如如常住不遷名之曰

道簡曰師說不生不滅何異外道師曰外道
所說不生不滅者將滅止生以生顯滅滅猶
不滅生說無生我說不生不滅者本自無生
令亦無滅所以不同外道汝若欲知心要但
一切善惡都莫思量自然得入清淨心體湛
然常寂妙用恒沙簡蒙指教豁然大悟禮辭

歸闕表奏師語有詔謝師并賜摩納袈裟綃
五百匹寶鉢一口十二月十九日勅改古寶
林爲中興寺三年十一月十八日又勅韶州
刺史重加崇飾賜額爲法泉寺師新州舊居
爲國恩寺一日師謂衆曰諸善知識汝等各
各淨心聽吾說法汝等諸人自心是佛更莫

狐疑外無一物而得建立皆是本心生萬種
法故經云心生種種法生心滅種種法滅若
欲成就種智須達一相三昧一行三昧若於
一切處而不住相彼相中不生憎愛亦無取
捨不念利益成壞等事安靜閑恬虛融澹泊
此名一相三昧若於一切處行住坐臥純一

振五

四

直心不動道場真成淨土名一行三昧若人
具二三昧如地有種能含藏長養成就其實
一相一行亦復如是我今說法猶如時雨溥
潤大地汝等佛性譬諸種子遇茲霑洽悉得
發生承吾言者決獲菩提依吾行者定證妙
果先天元年告諸徒衆曰吾忝受忍大師衣

法今爲汝等說法不付其衣蓋汝等信根淳熟決定不疑堪任大事聽吾偈曰心地含諸種普兩悉皆生頓悟華情已菩提果自成師說偈已復曰其法無二其心亦然其道清淨亦無諸相汝等慎勿觀淨及空其心此心本淨無可取捨各自努力隨緣好去師說法利生經四十載其年七月六日命弟子往新州國恩寺建報恩塔仍令倍工又有蜀僧名方辯來謁師云善捏塑師正色曰試塑看方辯不領旨乃塑師真可高七寸曲盡其妙師觀之曰汝善塑性不善佛性醻以衣物僧禮謝而去先天二年七月一日謂門人曰吾欲歸新州汝速理舟楫時大衆哀慕乞師且住師曰諸佛出現猶示涅槃有來必去理亦常然吾此形骸歸必有所衆曰師從此去早晚却迴師曰葉落歸根來時無口又問師之法眼何人傳受師曰有道者得無心者通又問後莫有難否曰吾後滅五六年當有一人來

根五

取吾首聽吾記曰頭上養親口裏須餐遇滿之難楊柳爲官又云吾去七十年有二菩薩從東方來一在家一出家同時興化建立吾宗締緝伽藍昌隆法嗣言訖往新州國恩寺沐浴訖跏趺而化異香襲人白虹屬地即其年八月三日也時韶新兩郡各修靈塔道俗莫汝所之兩郡刺史共焚香祝云香煙引處即師之欲歸焉時鑑香騰涌直貫曹谿以十一月十三日入塔壽七十六前韶州刺史韋據撰碑門人憶念取首之記遂先以鐵葉漆布固護師頸塔中有達磨所傳信衣無木綿華心識成後人以碧緝爲裏中宗賜摩納寶鉢方辯塑真道具等主塔侍者尸之開元十年壬戌八月三日夜半忽聞塔中如拽鐵索聲僧衆驚起見一孝子從塔中走出尋見師頸有傷具以賊事聞於州縣縣令楊侃刺史柳無忝得牒加擒捉五日於石角村捕得賊人送韶州鞠問云姓張名淨滿汝州梁縣人於洪州開

元寺受新羅僧金大悲錢二十千令取六祖
大師首歸海東供養柳守聞狀未即加刑乃
躬至曹谿問師上足令韜曰如何處斷韜曰
若以國法論理須誅夷但以佛教慈悲冤親
平等況彼求欲供養罪可恕矣柳守嘉歎曰
始知佛門廣大遂赦之及後甚有贊述

迹後甚有贊述

錄上元元年肅宗遣使就請師衣鉢歸內供
養至永泰元年五月五日代宗夢六祖大師
請衣鉢七日勅刺史楊瑊云朕夢感能禪師
請傳法袈裟却歸曹谿今遣鎮國大將軍劉
崇景頂戴而送朕謂之國寶卿可於本寺如
法安置專令僧衆親承宗旨者嚴加守護勿
令遺墜後或爲人偷竊皆不遠而獲如是者
數四憲宗謚大鑒禪師塔曰元和靈照

皇朝開寶初王師平南海劉氏殘兵作梗師
之塔廟鞠爲煨燼而真身爲守塔僧保護一
無所損尋有制興修功未竟會太宗即位
留心禪門頗增壯麗焉大師自唐先天二年

卷五

六

癸丑入滅今景德元年甲辰歲凡二百九十二年矣得法者除印宗等三十三人各化一方標爲正嗣其外藏名匿迹者不可勝紀今於諸家傳記中略錄十人謂之旁出

西域堀多三藏者天竺人也東遊韶陽見六祖於言下契悟後遊五臺至定襄縣歷村見

一僧結庵而坐三藏問曰汝孤坐奚爲曰觀
靜三藏曰觀者何人靜者何物其僧作禮問
曰此理何如三藏曰汝何不自觀自靜彼僧
茫然莫知其對三藏曰汝出誰門耶曰神秀
大師三藏曰我西域異道最下根者不墮此
見兀然空坐於道何益其僧却問三藏所師
何人三藏曰我師六祖汝何不速往曹谿汝
其真要其僧即捨庵往參六祖具陳前事六
祖垂誨與三藏符合其僧信入三藏後不知
所終韶州法海禪師者曲江人也初見六
祖問曰即心即佛願垂指喻祖曰前念不生
即心後念不滅即佛成一切相即心離一切

相即佛吾若具說窮劫不盡聽吾偈曰
即心名慧即佛乃定定慧等持意中清淨悟
此法門由汝習性用本無生變修是正
法海信受以偈贊曰 即心元是佛不悟而
自屈我知定慧因雙修離諸物法海經云門人
師是 吉州志誠禪師者吉州太和人也少
五

於荆南當陽山玉泉寺奉事神秀禪師後因
兩宗盛化秀之徒衆往往譏南宗曰能大師
不識一字有何所長秀曰他得無師之智深
悟上乘吾不如也且吾師五祖親付衣法豈
徒然哉吾所恨不能遠去親近虛受國恩汝
等諸人無滯於此可往曹谿質疑他日迴復
還爲吾說師聞此語禮辭至韶陽隨衆參請
不言來處時六祖告衆曰今有盜法之人潛
在此會師出禮拜具陳其事祖曰汝師若爲
示衆對曰常指誨大衆令住心觀靜長坐不
卧祖曰住心觀靜是病非禪長坐拘身於理
何益聽吾偈曰 生來坐不卧死去臥不坐

元是臭骨頭何爲立功過 師曰爲審大師
以何法誨人祖曰吾若言有法與人即爲誰
汝但且隨方解縛假名三昧聽吾偈曰
一切無心自性戒一切無礙自性慧不增不
退自金剛身去身來本三昧 師聞偈悔謝
即誓依歸乃呈一偈曰五蘊幻身幻何究竟
迴趣真如法還不淨祖然之尋迴玉泉
匱擔山曉了禪師者傳記不載唯北宗門人
忽雷澄撰塔碑盛行于世略曰師住匱擔山
法號曉了六祖之嫡嗣也師得無心之心了
無相之相無相者森羅眩目無心者分別熾
然絕一言一響響莫可傳傳之行矣言莫可
窮窮之非矣師自得無無之無不無於無也
吾今以有有之有不有於有也不有之有去
來非增不無之無涅槃非減嗚呼師住世芳
曾谿明師寂滅芳法舟傾師譚無說芳寰宇
盈師示迷徒芳了義乘匱擔山色垂茲色空

祖法席雖嘗咨泣而循乎漸行後往河北結庵長坐積二十餘載不見情容及遇六祖門人策禪師遊歷于彼激以勤求法要師遂捨應往參六祖祖愍其遠來便垂開授師於言下豁然契悟前二十年所得心都無影響其夜河北檀越士庶忽聞空中有聲曰陸禪師

第五

八

今日得道也後迴河北開化四衆洪州法達禪師者洪州豐城人也七歲出家誦法華經進具之後來禮祖師頭不至地祖呵曰禮不投地何如不禮汝心中必有一物蘊習何事耶師曰念法華經已及三千部祖曰汝若念至萬部得其經意不以爲勝則與吾偕行

第五

汝今負此事業都不知過聽吾偈曰

禮本折慢幢頭奚不至地有我罪即生云功福無比祖又曰汝名什麼對曰名法達祖曰汝名法達何曾達法復說偈曰汝今名法達勤誦未休歇空誦但循聲明心號菩薩汝今有緣故吾今爲汝說但信佛無言蓮華

從口發 師聞偈悔過曰而今而後當謙恭

一切惟願和尚大慈略說經中義理祖曰汝念此經以何爲宗師曰學人愚鈍從來但依文誦念豈知宗趣祖曰汝試爲吾念一遍吾當爲汝解說師即高聲念經至方便品祖曰止此經元來以因緣出世爲宗縱說多種譬喻亦無越於此何者因緣唯一大事一大事即佛知見也汝慎勿錯解經意見他道開示悟入自是佛之知見我輩無分若作此解乃是謗經毀佛也彼既是佛已具知見何用更開汝今當信佛知見者只汝自心更無別體蓋爲一切衆生自蔽光明貪愛塵境外緣內

九

擾甘受驅馳便勞他從三昧起種種苦口勸令寢息莫向外求興佛無二故云開佛知見汝但勞勞執念謂爲功課者何異犛牛愛尾也師曰若然者但得解義不勞誦經耶祖曰經有何過豈障汝念只爲迷悟在人損益由汝聽吾偈曰心迷法華轉心悟轉法華誦

父不明已與義作辯家無念念即正有念念成邪有無俱不計長御白牛車師聞偈再啓曰經云諸大聲聞乃至菩薩皆盡思度量尚不能測於佛智今令凡夫但悟自心便名佛之知見自非上根未免疑謗又經說三車大牛之車與白牛車如何區別願和尚再垂宣說祖曰經意分明汝自迷背諸三乘人不能測佛智者患在度量也饒伊盡思共推轉加懸遠佛本爲凡夫說不爲佛說此理若不肯信者從他退席殊不知坐却白牛車更於門外覓三車況經文明向汝道無二亦無三汝何不省三車是假爲昔時故一乘是實爲今時故只教汝去假歸實歸實之後實亦無名應知所有珍財盡屬於汝由汝受用更不作父想亦不作子想亦無用想是名持法華經從劫至劫手不釋卷從晝至夜無不念時也師既蒙啓發踊躍歡喜以偈贊曰 經誦三千部曹谿一句云未明出世指寧歇累生

狂羊鹿牛權設初中後善揚誰知火宅內元是法中王祖曰汝今後方可名爲念經僧也師從此領玄旨亦不輟誦持壽州智通禪師者壽州安豐人也初看楞伽經約千餘遍而不會三身四智禮師求解其義祖曰三身者清淨法身汝之性也圓滿報身汝之智也千百億化身汝之行也若離本性別說三身即名有身無智若悟三身無有自性即名四智菩提聽吾偈曰 自性具三身發明成四智不離見聞緣超然登佛地吾今爲汝說諦信永無迷莫學馳求者終日說菩提師曰四智之義可得聞乎祖曰旣會三身便

十五

明四智何更問耶若離三身別譚四智此名有智無身也即此有智還成無智復偈曰大圓鏡智性清淨平等性智心無病妙觀察智見非功成所作智同圓鏡五八六七果因轉但用名言無實性若於轉處不留情繫興

九處那伽定

轉識爲智者故中云轉前五識爲妙識

察圓鏡智轉第七識爲平等性智轉第八識爲大體其名而不轉其體也。師禮謝以偈贊曰：

三身元我體四智本心明。身智融無礙，應物任隨形。起修皆妄動，守住匪真精。妙旨因師曉，終亡汙染名。江西志徹禪師者江西人也姓張氏名行昌少任俠自南北分化二宗主雖云彼

我而徒侶競起愛憎時北宗門人自立秀師爲第六祖而忌能大師傳衣爲天下所聞然祖是菩薩預知其事即置金十兩於方丈時行昌受北宗門人之囑懷刃入祖室將欲加害祖舒頸而就行昌揮刃者三都無所損祖曰正劍不邪邪劍不正只負汝金不負汝命行昌驚仆父而方蘇求哀悔過即願出家祖遂與金云汝且去恐徒衆翻害於汝汝可他日易形而來吾當攝受行昌稟百霄道終投僧出家具戒精進一日憶祖之言遠來禮覲祖曰吾久念於汝汝來何晚曰昨蒙和尚捨罪今雖出家苦行終難報於深恩其唯傳法

五

十一

度生乎弟子嘗覽涅槃經未曉常無常義乞和尚慈悲略爲宣說祖曰無常者即佛性也有常者即善惡一切諸法分別心也曰和尚所說大違經文也祖曰吾傳佛心印安敢違於佛經曰經說佛性是常和尚却言無常善惡諸法乃至菩提心皆是無常和尚却言是常此即相違令學人轉加疑惑祖曰涅槃經吾昔者聽尼無盡藏讀誦一編便爲講說無一字一義不合經文乃至爲汝終無二說曰學人識量淺昧願和尚委曲開示祖曰汝知否佛性若常更說什麼善惡諸法乃至窮劫無有一人發菩提心者故吾說無常正是佛說真常之道也又一切諸法若無常者即事物皆有自性容受生死而真常性有不徧之處故吾說常者正是佛說真無常義也佛比爲凡夫外道執於邪常諸二乘人於常計無常共成八倒故於涅槃了義教中破彼偏見而顯說真常真我直淨汝今依言背義以斷

滅無常及確定死常而錯解佛之圓妙。最後
微言縱覽千遍有何所益。行昌忽如醉醒乃
說偈曰　因守無常心。佛演有常性。不知方
便者。猶春池執礫。我今不施功。佛性而見前
非師相授與我亦無所得。祖曰汝今徹也。
宜名志徹。師禮謝而去。信州智常禪師者。
本州貴谿人也。髫年出家。志求見性。一日參
六祖。祖問汝從何來。欲求何事。師曰學人近
桂洪州建昌縣白峯山禮大通和尚蒙示見
性成佛之義。未浹狐疑。至吉州遇人指迷。令
搜謁和尚。伏願垂慈攝受。祖曰彼有何言。句
汝識舉似於吾。與汝證明。師曰初到彼三月
未蒙開示。以爲法切。故於中夜獨入方丈禮
拜哀請。大通乃曰汝見虛空否。對曰見。彼曰
汝見虛空有相貌否。對曰虛空無形。有何相
貌。彼曰汝之本性。猶如虛空。返觀自性。了無
一物可見。是名正見。無一物可知。是名真知。
無有青黃長短。但見本源清淨。覺體圓明。即

十二

名見性成佛。亦名極樂世界。亦名如來知見。
學人雖聞此說。猶未決了。乞和尚誨示。令無
疑滯。祖曰彼師所說。猶存見知。故令汝未了。
吾今示汝一偈曰　不見一法存無見。太似
浮雲遮日面。不知一法守空知。還如太虛生
閃電。此之知見。瞥然興錯。認何曾解。方便汝
當一念自知。非自己靈光常顯見。師聞偈
已心意豁然。乃述一偈曰　無端起知解。著
相求菩提。情存一念悟。寧越昔時迷。自性覺
源體隨照。柱遷流不入。祖師室。浩然趣兩頭。
廣州志道禪師者。南海人也。參六祖曰學人
初自出家。覽涅槃經。僅十餘載。未明大意。願
和尚垂誨。祖曰汝何處未了。對曰諸行無常。
和尚垂誨。祖曰汝何處未了。對曰諸行無常。
是生滅法。生滅滅已。寂滅爲樂。於此疑惑。祖
曰汝作麼生疑。對曰一切衆生皆有二身。謂
色身法身也。色身無常。有生有滅。法身有常。
無知無覺。經云生滅滅已。寂滅爲樂者。不審
是何身寂滅。何身受樂。若色身者。色身緣時。

四大分散全是苦苦不可言樂若法身寂滅即同草木瓦石誰當受樂又法性是生滅之體五蘊是生滅之用一體五用生滅是常生則從體起用滅則攝用歸體若聽更生即有情之類不斷不滅若不聽更生即永歸寂滅同於無情之物如是則一切諸法被涅槃之

振五

十三

所禁伏尚不得生何樂之有祖曰汝是釋子何習外道斷常邪見而議最上乘法據汝所作即色身外別有法身離生滅求於寂滅又推涅槃常樂言有身受者斯乃執吝生死耽著世樂汝今當知佛爲一切迷人認五蘊和合爲自體相分別一切法爲外塵相好生惡死念念遷流不知夢幻虛假枉受輪迴以常樂涅槃翻爲苦相終日馳求佛愍此故乃示涅槃真樂剎那無有生相剎那無有滅相更無生滅可滅是則寂滅前見當見前之時亦無見前之量乃謂常樂此樂無有受者亦無不受者豈有一體五用之名何況更言涅槃

禁伏諸法令永不生斯乃謗佛毀法聽吾偈曰無上大涅槃圓明常寂照凡愚謂之死外道執爲斷諸求二乘人目以無爲作盡屬情所計六十二見本妄立虛假名何爲真實義唯有過量人通達無取捨以知五蘊法及以蘊中我外現衆色象一一音聲相平等如夢幻不起凡聖見不作涅槃解二邊三際斷常應諸根用而不起用想分別一切法不起分別想劫火燒海底風鼓山相擊真常寂滅樂涅槃相如是吾今疆言說令汝捨邪見勿隨言解許汝知少分師聞偈踊躍作禮而退廣州法性寺印宗和尚者吳郡人也

姓印氏從師出家精涅槃大部唐咸享元年抵京師勅居大敬愛寺固辭往蕲春謁忍大師後於廣州法性寺講涅槃經遇六祖能大師始悟玄理以能爲傳法師又採自梁至唐諸方達者之言著心要集盛行于世先天二年二月二十一日終於魯籍山妙喜寺壽八

十有七會稽王師乾立塔銘焉 吉州清原
山行思禪師本州安城人也姓劉氏幼歲出
家每群居論道師唯默然後聞曹谿法席乃
往參禮問曰當何所務即不落階級祖曰沒
曾作什麼來師曰聖諦亦不爲祖曰落何階
級曰聖諦尚不爲何階級之有祖深器之會

第五

十四

下學徒雖衆師居首焉亦猶二祖不言少林
謂之得髓矣一日祖謂師曰從上衣法雙行
師資遞授衣以表信法乃印心吾今得人何
患不信吾受衣以來遭此多難況乎後代爭
競必多衣即留鎮山門汝當分化一方無令
斷絕師既得法住吉州清原山靜居寺六祖
將示滅有沙彌希遷即南嶽石頭和尚問曰和尚百
年後希遷未審當依附何人祖曰尋思去及
祖順世遷每於靜處端坐寂若忘生第一座
問曰汝師已逝空坐奚爲遷曰我稟遺誠故
尋思爾第一坐曰汝有師兄行思和尚今住
吉州汝因緣在彼師言甚直汝自迷耳遷聞

語便禮辭祖龕直詣靜居師問曰子何方而
來遷曰曹谿來師曰將得什麼來曰未到曹
谿亦不失師曰恁麼用去曹谿作什麼曰若
不到曹谿爭知不失遷又問曰曹谿大師還
識和尚否師曰汝今識吾否師曰識又爭能
識得師曰衆角雖多一麟足矣遷又問和尚
自離曹溪什麼時至此間師曰我却不知汝
早晚離曹溪曰希遷不從曹谿來師曰我亦
知汝來處也曰和尚幸是大人且莫造次他
日師復問遷汝什麼處來曰曹谿來師乃舉
拂子曰曹谿還有這箇麼曰非但曹谿西天
亦無師曰子莫曾到西天否曰若到即有也

第五

十五

師曰未在更道曰和尚也須道取一半莫全
靠學人師曰不辭向汝道恐已後無人承當
師令希遷持書與南嶽讓和尚曰汝達書了
速迴吾有箇鋤斧子與汝住山遷至彼未呈
書便問不慕諸聖不重已靈時如何讓曰子
問太高生何不向下問遷曰寧可永劫受沉

論不從諸聖求解脫讓便休遷廻至靜居師問曰子去未久送書達否遷曰信亦不通書亦不達師曰作麼生遷舉前話了却去發時蒙和尚許箇鋤斧子便請取師垂一足遷禮拜尋辭往南嶽太沙云大小石頭和尚被荷譲師推例至今起不得被荷澤神會來參師問曰什麼處來會曰曹谿師

曰曹谿意旨如何會振身而已師曰猶滯瓦礫在曰和尚此間莫有真金與人否師曰設有與沒向什麼處著玄沙云果然雲居鑄云金瓦僧問如何是佛法大意師曰廬陵米作麼價師既付法石頭唐開元二十八年庚辰十二月十三日升堂告衆跏趺而逝傳宗證

弘濟禪師歸真之塔 南嶽懷讓禪師者姓杜氏金州人也年十五往荊州玉泉寺依弘景律師出家受具之後晝毗尼藏一日自歎曰夫出家者爲無爲法天上人間無有勝處時同學坦然知師志高邁勸師同謁嵩山安和尚安啓發之乃直詣曹谿參六祖祖問什

麼處來曰嵩山來祖曰什麼物恁麼來曰說似一物即不中祖曰還可修證否曰修證即不無汙染即不得祖曰只此不汙染諸佛之所護念汝旣如是吾亦如是西天般若多羅識汝足下出一馬駒蹋殺天下人並在汝心不須速說師豁然契會執侍左右一十五載

唐先天二年始往衡嶽居般若寺開元中有沙門道一大師即馬祖也住傳法院常日坐禪師知是法器往問曰大德坐禪圖什麼一曰圖作佛師乃取一壇於彼庵前石上磨一曰磨壇作麼師曰磨作鏡一曰磨壇豈得成鏡耶師曰磨壇既不成鏡坐禪宣得成佛耶一曰如

五

十六

何即是師曰如牛駕車車不行打車即是打牛即是一無對師又曰汝爲學坐禪爲學坐佛若學坐禪禪非坐卧若學坐佛佛非定相於無住法不應取捨汝若坐佛即是殺佛若執坐相非達其理一聞示誨如飲醍醐禮拜問曰如何用心即合無相三昧師曰汝學心

地法門如下種子我說法要譬彼天澤汝緣合故當見其道又問曰道非色相云何能見師曰心地法眼能見乎道無相三昧亦復然矣一曰有成壞否師曰若以成壞聚散而見道者非見道也聽吾偈曰心地含諸種遇澤悉皆萌三昧華無相何壞復何成一蒙開悟心意超然侍奉十秋日益玄奧師入室弟子想有六人師各印可去汝等六人同證吾身各契一路一人得吾眉善威儀詒一人得吾眼善額詒一人得吾耳善聽理詒一人得吾鼻善知氣神一人得吾舌善譚說詒一人得吾心善古今道又曰一切法皆從心生心無所生法無能住若達心地所作無礙非遇上根宜慎辭哉有一大德問如鏡鑄像像成後鏡明向什麼處去師曰如大德爲童子時相貌何在法眼別是大德鑄成底阿那箇曰只如像成後爲什麼不鑒照師曰雖然不鑒照設他一默不得後馬大師闡化於江西師問衆曰

據五

十七

道一爲衆說法否衆曰已爲衆說法師曰揔未見人持箇消息來衆無對師遣一僧去云待伊上堂時但問作麼生伊道底言語記將來僧去一如師旨迴謂師曰馬師云自從胡亂後三十年不曾闢鹽醬師然之天寶三年八月十一日圓寂於衡嶽勅謚大慧禪師最勝輪之塔溫州永嘉玄覺禪師者永嘉人也姓戴氏廿歲出家徧探三藏精天台止觀圓妙法門於四威儀中常冥禪觀後因左谿朗禪師激勵與東陽策禪師同詣曹谿初到振錫驚瓶遶祖三匝卓然而立祖曰夫沙門者具三千威儀八萬細行大德自何方而來生大我慢師曰生死事大無常迅速祖曰何不體取無生了無速乎曰體即無生了本無速祖曰如是如是于時大衆無不愕然師方具威儀參禮須臾告辭祖曰返太速乎師曰本自非動豈有速耶祖曰誰知非動曰仁者自生分別祖曰汝甚得無生之意曰無生豈

有意耶祖曰無意誰當分別曰分別亦非意
祖歎曰善哉善哉少留一宿時謂一宿覺矣
策公乃留師翌日下山迴溫江學者輻湊號
真覺大師著證道歌一首及禪宗悟修圓旨
自淺之深慶州刺史魏靖緝而序之成十篇
目爲永嘉集並盛行于世 慕道志儀第一

夫欲修道先須立志及事師儀則彰乎軌則
故標第一明慕道儀式 戒慳奢意第二

初雖立志修道善識軌儀若三業慳奢妄心
擾動何能得定故次第二明 戒慳奢意也

淨脩三業第三 前戒慳奢略標綱要今子
細檢責令過不生故次第三明淨脩三業戒

乎身口意也 奢摩他頌第四 已檢責身

口令廉過不生次須入門修道漸次不出定
慧五種起心六種料簡故次第四明奢摩他
頌也 眇婆舍那頌第五 非戒不禪非禪
不慧上既修定定久慧明故次第五眇婆舍
那頌也 優畢義頌第六 偏修於定定久

五

十八

則沉偏學於慧慧多心動故次第六明優畢
義頌等於定慧令不沉動使定慧均等捨於
二邊 三乘漸次第七 定慧既均則寂而
常照三觀一心何疑不遣何照不圓自解雖
明悲他未悟悟有深淺故次第七明三乘漸
次也 事理不二第八 三乘悟理理無不
窮窮理在事了事即理故次第八明事理不
二即事而真用桂倒見也 勸友人書第九
事理既融內心自瑩復悲遠學虛擲寸陰故
次第九明勸友人書也 發願文第十 勸
友人雖是悲他專心在一情猶未普故次第
十明發願文誓度一切 復次觀心十門初
則言其法余次則出其觀體三則語其相應
四則警其上慢五則誠其踈怠六則重出觀
體七則明其是非八則簡其詮旨九則觸途
成觀十則妙契玄源 第一言法余者夫心
性虛通動靜之源莫二真如絕慮緣計之念
非殊惑見紛馳窮之則唯一寂靈源不狀鑒

之則以千差千差不同法眼之名自立一寂
非異慧眼之号斯存理量雙銷佛眼之功圓
著是以三諦一境法身之理常清三智一心
般若之明常照境智冥合解脫之應隨機非
縱非橫圓伊之道玄會故知三德妙性宛尔
無乖一心深廣難思何出要而非路是以即

據五十九

心爲道者可謂尋流而得源 第二出其觀
體者只知一念即空不空非空非不空 第
三語其相應者心與空相應則譏毀讚譽何
憂何喜身與空相應則刀割香塗何苦何樂
依報與空相應則施與劫奪何得何失心與
空不空相應則愛見都忘慈悲普救身與空

不空相應則內同枯木外現威儀依報與空
不空相應則永絕貪求資財給濟心與空不
空非空非不空相應則實相初明開佛知見
身與空不空非空非不空相應則一塵入正
受諸塵三昧起依報與空不空非空非不空
相應則香臺寶閣嚴土化生 第四驚其上

慢者若不尔者則未相應也 第五誠其踈
怠者然渡海應上船非船何以能渡修心必
須入觀非觀何以明心心尚未明相應何日
思之勿自恃也 第六重出觀體者只知一
念即空不空非有非無不知即念即空不空
非非有非非無 第七明其是非者心不是
有心不是無心不非有心不非無是有是無
即墮是非有非無即墮非如是只是是非之
非未是非是非非之是今以雙非破兩是是
破非是猶是非又以雙非破兩非非破非非
即是是如是只是是非是非非之是未是不非
不不非不是不不是是非之感綿微難見

神清慮靜細而研之 第八簡其詮旨者然
而至理無言假文言以明其旨宗非觀籍
修觀以會其宗若旨之未明言則言之未的
若宗之未會則觀之深深觀乃會其宗的言
必明其旨宗既其明會旨觀何得復存耶
第九觸途成觀者夫再演言詞重標觀體欲

明宗旨無異言觀有逐方移方移則言理無差無差則觀旨不異不異之旨即理無差之理即宗旨一而二名言觀明其弄龍耳第十妙契玄源者夫悟心之士寧執觀而迷旨達教之人豈滯言而惑理理明則言語道斷何言之能議旨會則心行處滅何觀之能思

振五

二十

心言不能思議者可謂妙契寰中矣師先天

二年十月十七日安坐示滅十一月十三日

塔于西山之陽勅謚無相大師塔曰淨光

皇朝淳化中太宗皇帝詔本州重修龕塔

司空山本淨禪師者絳州人也姓張氏幼歲披繻于曹谿之室受記隸司空山無相寺唐

天寶三年玄宗遣中使楊光庭入山采常春藤因造丈室禮問曰弟子慕道斯久願和尚慈悲略垂開示師曰天下禪宗碩學咸會京師天使歸朝足可咨嗟貧道悵山傍水無所用心光庭泣拜師曰休禮貧道天使爲求佛耶問道耶曰弟子智識昏昧未審佛之與道

其義云何師曰若欲求佛即心是佛若欲會道無心是道曰云何即心是佛師曰佛因心悟心以佛彰若悟無心佛亦不有曰云何無心是道師曰道本無心無心名道若了無心無心即道光庭作禮信受既廻闢庭具以山中所遇奏聞即勅光庭詔師十二月十三日到京勅住白蓮亭越明年正月十五日召兩街名僧碩學赴內道場與師闡揚佛理時有遠禪師者抗聲謂師曰今對聖上校量宗旨應須直問直答不假繁辭只如禪師所見以何爲道師答曰無心是道因心有何得言無心是道師曰道本無名因心名道心

振五

二十一

名若有道不虛然窮心旣無道憑何立二俱虛妄想是假名遠曰禪師見有身心是道已否師曰山僧身心本來是道曰適言無心是道今又言身心本來是道豈不相違師曰無心是道心泯道無心道一如故言無心是道身心本來是道道亦本是身心身心本既是

空道亦窮源無有曰觀禪師形質甚小却會此理師曰大德只見山僧相不見山僧無相見相者是大德所見經云凡所有相皆是虛妄若見諸相非相即悟其道若以相爲實窮劫不能悟道曰今請禪師於相上說於無相師曰淨名經云四大無主身亦無我無我所見與道相應大德若以四大有主是我若有我見窮劫不可會道也遠公聞語失色逡巡避席師有偈曰
四大無主復如水遇曲逢直無彼此淨穢兩處不生心壅汝何曾有二意觸境但似水無心在世縱橫有何事復云一大如是四大亦然若明四大無主即悟無心若了無心自然契道又有志明禪師者問曰若言無心是道瓦礫無心亦應是道又云身心本來是道四生十類皆有身心亦應是道師曰大德若作見聞覺知之解與道懸殊即是求見聞覺知之者非是求道之人經云無眼耳鼻舌身意六根尚無見聞覺

知憑何而立窮本不有何處存心焉得不同草木瓦礫志明杜口而退師又有偈曰見聞覺知無障礙聲香味觸常三昧如鳥空中只麼飛無取無捨無憎愛若會應處本無心始得名爲觀自在又有真禪師者問云道既無心佛有心否佛之與道是一是二師曰不一不異曰佛度衆生爲有心故道不度人爲無心故一度一不度何得無二師曰若言佛度衆生道無度者此是大德妄生二見如山僧即不然佛是虛名道亦妄立二俱不實德是假名一假之中何分二問曰佛之與道從是假名當立名時是誰爲立若有立者何得言無五師曰佛之與道因心而立推窮立心心亦是無心既是無即悟二俱不實知如夢幻即悟本空疆立佛道二名此是二乘人見解師乃說無修無作偈曰見道方修道不見復何修道性如虛空虛空何所修徧觀修道者撥火覓浮漚但看弄傀儡線斷一時休

又有法空禪師者問曰佛之與道俱是假名十二分教亦應不實何以從前尊宿皆言修道師曰大德錯會經意道本無修大德彊修道本無作大德彊作道本無有彊生多事道本無知於中彊知如此見解與道相違從前尊宿不應如是自是大德不會請思之師又有偈曰道體本無修不修自合道若起修道心此人不會道棄却一真性却入闇浩浩忽逢修道人第一莫向道又有安禪師者問曰道既假名佛云妄立十二分教亦是接物度生一切是妄以何爲真師曰爲有妄故將真對妄推窮妄性本空真亦何曾有故故知真妄揔是假名二事對治都無實體窮其根本一切皆空曰既言一切是妄妄亦同真妄經去無相似無比況言語道斷如鳥飛空安公慙伏不知所措師又有偈曰推真真無相窮妄妄無形返觀推窮心知心亦假名

五

會道亦如此到頭亦只寧又有達性禪師者問曰禪是至妙至微真妄雙泯佛道兩云修行性空名相不實世界如幻一切假名作此解時不可斷絕衆生善惡二根師曰善惡二根皆因心有窮心若有根亦非虛推心既無根因何立經云善不善法從心化生善惡業緣本無有實師又有偈曰善既從心生惡豈離心有善惡是外緣於心實不有捨惡送何處取善令誰守傷嗟二見人攀緣兩頭走若悟本無心始悔從前咎又有近臣問曰此身從何而來百年之後復歸何處師曰如人夢時從何而來睡覺時從何而去曰夢時不可言無既覺不可言有雖有無來往無所師曰貧道此身亦如其夢又有偈曰視生如在夢夢裏實是閑忽覺萬事休還同睡時悟智者會悟夢迷人信夢閑會夢如兩般一悟無別悟富貴與貧賤更亦無別路上元二年五月五日歸寂勅謚大曉禪師

婺州玄策禪師者婺州金華人也出家遊方
届于河朔有智隍禪師者曾謁黃梅五祖庵
居二十年自謂正受師知隍所得未真往問
曰汝坐於此作麼隍曰入定師曰汝言入定
有心耶無心耶若有心者一切蠢動之類皆
應得定若無心者一切草木之流亦合得定
曰我正入定時則不見有有無之心師曰既
不見有有無之心即是常定何有出入若有
出入則非大定隍無語良久問師嗣誰師曰
我師曹谿六祖曰六祖以何爲禪定師曰我
師云妙湛圓寂體用如如五陰本空六塵
非有不出不入不定不亂禪性無住離住禪
寂禪性無生離生禪想心如虛空亦無虛空
之量隍聞此語未息疑情遂造于曹谿請決
金華大開法席曹谿令韜禪師者吉州人
也姓張氏依六祖出家未嘗離左右祖歸寂
遂爲衣塔主唐開元四年玄宗聆其德風詔

令赴闕師辭疾不起上元元年肅宗遣使取
傳法衣入內供養仍勅師隨衣入朝師亦以
疾辭終于本山壽九十五勅謚大曉禪師
西京光宅寺慧忠國師者越州諸暨人也姓
冉氏自受心印居南陽白崖山黨子谷四十
餘祀不下山門道行聞于帝里唐肅宗上元
二年勅中使孫朝進賚詔徵赴京待以師禮
初居千福寺西禪院及代宗臨御復迎止光
宅精藍十有六載隨機說法時有西天大耳
三藏到京去得他心慧眼帝勅令與國師試
驗三藏纔見師便禮拜立于右邊師問曰汝
得他心通耶對曰不敢師曰汝道老僧即今
在什麼處曰和尚是一國之師何得却去西
川晉競渡師再問汝道老僧即今在什麼處
曰和尚是一國之師何得却在天津橋上看
弄猢猻師第三問語亦同前三藏良久閔知
去處師叱曰這野狐精他心通在什麼處三
藏無對僧問師曰長耳三藏第三度爲什
不見關山曰前兩度是涉境心

後入自受用三昧所以不見又有僧舉前語
孔國什前兩度趣若見後來爲什麼不見且道玄毫前語
沙太只一日喚侍者侍者應諾如是三召皆
應諾自曰將謂吾卓負汝却是汝卓負吾

者玄沙國師喚侍者意作麼生玄沙云却是
會雲居錫云且道侍者會不會若道會因侍

二十五

身虫夫爲人師若涉名利別開異端則自他
柯益如世大匠斤斧不傷其手香象所負非
驢能堪有僧問若爲得成佛去師曰佛與衆
生一時放却當趣解脫問作麼生得相應去
師云善惡不思自見佛性問若爲得證法身
師曰越毗盧之境界曰清淨法身作麼生得

侍者又道汝卓負吾若道不會玄沙又道却是
且汝少會在處僧云若於這裏商量得去便見玄沙云
意國師意不明國師意僧問趙州云如意人暗裏言
已教南泉到參師問什麼趣來對曰江西來
師曰還將得馬師真來否曰只這是師曰背

後底南泉便休云幾不到和尚此問雲居錫
休去爲當扶面前扶背只如南麻谷到參繞
禪牀三席於師前振錫而立師曰旣如是何
用更見貧道麻谷又振錫師叱曰這野狐精
出去師每示衆云禪宗學者應遵佛語一乘
了義契自心源不了義者互不相許如師子

無情方得聞我說法汝但聞取無情說法去
演曰只約如今有情方便之中如何是無情
因緣師曰如今一切動用之中但凡聖兩流
都無少分起滅便是出識不屬有無熾然見
覺只聞無其情識繫執所以六祖云六根對
境分別非識有僧到參禮師問蘊何事業曰

五
二十六

講金剛經師曰最初兩字是什麼曰如是師
曰是什麼僧無對有人問如何是解脫師曰
諸法不相到當處解脫曰恁麼即斷去也師
曰向汝道諸法不相到斷什麼師見僧來以
手作圓相中書日字僧無對師問本淨禪
師汝已後見奇特言語如何淨曰無一念心

問師師都不視之曰朕是大唐天子師何以
殊不顧視師曰還見虛空麼曰見師曰他還
眨目視陛否魚軍容問師住白崖山十二
時中如何修道師喚童子來摩頂曰惺惺直
然惺惺歷歷直然歷歷已後莫受人謾師與
紫璘供奉論議既升座供奉曰請師立義某
甲破師曰立義竟供奉曰是什麼義師曰果
然不見非公境界便下座一日師問紫璘供
奉佛是什麼義曰是覺義師曰佛曾迷否曰
不曾迷師曰用覺作麼供奉無對又問如何
是實相師曰把將虛底來曰虛底不可得師
曰虛底尚不可得問實相作麼僧問如何是

五
二十七

愛師曰是汝屋裏事肅宗問師得何法師曰
陛下見空中一片雲麼帝曰見師曰釤釤著
懸挂著又問如何是十身調御師乃起立曰
還會麼曰不會師曰與老僧過淨瓶來又曰
如何是無諍三昧師曰檀越蹋毗盧頂上行
曰此意如何師曰莫認自己作清淨法身又

佛法大意師曰文殊堂裏萬善薩曰學人不
會師曰大悲千手眼耽源問百年後有人問
極則事作麼生師曰幸自可憐生須要箇護
身符子作麼師以化緣將畢涅槃時至乃辭
代宗代宗曰師滅度後弟子將何所記師曰
告檀越造取一所無縫塔曰就師請取塔樣

師良久曰會麼曰不會師曰貧道去後有侍者應真却知此事大歷十年十二月九日右脇長往弟子奉靈儀於黨子谷建塔勒謚大證禪師代宗後詔應真入內舉問前語真良久曰聖上會麼曰不會真述偈曰湘之南潭之北中有黃金充一國無影樹下合同船琉璃殿上無知識應真後住耽源山西京荷澤神會禪師者襄陽人也姓高氏年十四爲沙彌謁六祖祖曰知識遠來大艱辛將本來否若有本則合識主試說看師曰以無住爲本見即是主祖曰這沙彌爭合取次語便以杖打師於杖下思惟曰大善知識歷劫難逢今既得遇豈惜身命自此給侍他日祖告衆曰吾有一物無頭無尾無名無字無背無面諸人還識否師乃出曰是諸佛之本源神會之佛性祖曰向汝道無名無字汝便喚本源佛性師禮拜而退師尋往西京受戒唐景龍中却歸曹谿祖滅後二十年間曹谿頓

旨沉廢於荆吳嵩嶽漸門盛行於秦洛乃入京天寶四年方定兩宗南能頌宗北秀漸宗乃著顯宗記盛行于世一日鄉信至報二親云師入堂白祖曰父母俱喪請大眾念摩訶般若衆纔集師便打祖曰勞煩大眾師於上元元年五月十三日中夜奄然而化俗壽七十五二年遷塔於洛京龍門勅於塔所置寶應寺大歷五年賜號真宗般若傳法之堂七年又賜般若大師之塔有僧舉卧輪禪師偈云卧輪有伎倆能斲百思想對境心不起菩提日日長六祖大師聞之曰此偈未明心地若依而行之是加繫縛因示一偈曰慧能沒伎倆不斷百思想對境心數起菩提作麼長
附諸方多舉故附於卷末

二十八末

振五

景德傳燈錄卷第五

壠 渠月反 盔 檻 上下反 都甘琰他 刀艾牛蓋宴 都羽反

鵬 音反 麟 音反 恬 徒反 廉捏塑 刀結反 素骨 亥音反 餐 千安反

締緝 音帝七入反 胸 胸正作瞬 捶 夷結反 倪空 旱音反 瞰 咸古

反熑 音下徐刃反 煙 鳥四反 脳 縣音 按 一波 舜 摸交音 交語 音

鑾遞 音弟鉢都沒反 盱 普旱反 牝 古患反 傀儡 上古下落委音

闢乃教 音反 婦務 音下音 潛 境音 殆 之合

景德傳燈錄卷第六

南嶽懷讓禪師法嗣 第一世九人

見錄

江西道一禪師 謂姓馬時 河南嵩常浩禪師 智達禪師 河南河中府青蓮元禮禪師 智通禪師

嚴峽禪師 智達禪師 潮州神照禪師 坦然禪師 潮州法藏禪師 智通禪師

人無機緣 東新羅國本如禪師 揚州大明禪師 山法空禪師 已上八玄寺深

語句不錄

懷讓禪師第一世

第二世三十七人

馬祖法嗣一
十四人見錄

越州大珠慧海禪師 洪州百丈山惟政禪師

洪州泐潭法會禪師 池州杉山智堅禪師

洪州泐潭惟建禪師 潛州茗谿道行禪師

撫州石鞏慧藏禪師 唐州紫玉山道通禪師

江西北蘭讓禪師 洛京佛光如滿禪師

江西道一禪師 漢州什邡人也姓馬氏容兒

奇異牛行虎視引舌過鼻足下有二輪文幼

歲依資州唐和尚落髮受具於渝州圓律師

唐開元中習禪定於衡嶽傳法院遇讓和尚

同參九人唯師密受心印 護之一猶思之遷

南主石頭從來惶惶不見二大士爲無知矣湖故遷

袁州南源道明禪師 忻州縣村自滿禪師

朗州中邑洪恩禪師 洪州百丈山懷海禪師

禪門規式附 洪州光慶禪師 洪州開元寺玄虛平禪師

華嚴山降然禪師 洪州伏棲寺慧禪師

澧州松滋塔智聰禪師 洪州雲秀山神鑒禪師

嘉州法藏禪師 洪州懷慶禪師 崇善禪師

長沙府法藏禪師 洪州洪澤禪師 鑑英禪師

長沙府法藏禪師 洪州洪澤禪師 崇泰禪師

五

楊州雲秀山神鑒禪師 智通禪師 杭州智藏禪師 崇泰禪師

揚州懷慶禪師 智通禪師 鄂州洪澤禪師 崇泰禪師

嘉州法藏禪師 智通禪師 豐州洪澤禪師 崇泰禪師

長沙府法藏禪師 智通禪師 常州明懷禪師 崇泰禪師

長沙府法藏禪師 智通禪師 淳安府志洪澤禪師 崇泰禪師

長沙府法藏禪師 智通禪師 湘潭禪師 崇泰禪師

長沙府法藏禪師 智通禪師 衢州洪澤禪師 崇泰禪師

長沙府法藏禪師 智通禪師 衢州洪澤禪師 崇泰禪師